



一鳴集卷四之上四言目錄

書沈亞之夢秦弄玉詩卷後

李氏種坡集

顏館藏

臨家士英公定武蘭亭石刻

吳東田鑑古齋銘

得叔父選堂手書

集毛詩示劍中諸子

七夕集毛詩

擬履譜

憶同年徐大凌漢

松岑叔祖壽星圖

漢張天師圖

吳蘭阜登瀛圖

郭漁村風雨歸舟圖

麻姑馭鹿圖

題瘋僧

樓氏璧映堂山水圖

蔣家睿織紙鋤耕圖

壽李司諭七旬

一鳴集

卷之四上目錄

一

贈厲效亭

贈馮玉城

俞竺陽六句贈言

俞樸齋梧鳳圖

俞樸齋耕讀圖

樓曙霞牧牛圖

李竹居寫照

胡漸達寫照

盧春畬寫照

李達齋寫真

樓雨菴寫照

從弟邵平寫照

從弟馭洲寫照

贈張步丹

吳明杰袁詞

唁王同學東井

哭從弟邵平

輓從弟為章

祭王鶴潭先生從祀鄉賢文

祭

誥封中憲大夫盧思亭先生文 祭健菴屈明府文

祭世講李錦齋文

祭吳媚川文

祭吳獲園文

祭周耿菴文

朝陽圖

金錢孔雀圖

李巨川愛蓮圖

擬江煜瀟湘圖

雙松掛日圖

松鹿圖

陳某搏虎圖

杜沆洲八駿圖

從姪治昌鍾馗圖

從姪孫星植三俠圖

再姪孫其潛怡親圖

張氏壽萱圖

杜氏志慶圖

劉氏紳縮眉壽圖

一鳴集

卷之四上

目錄

二

杜氏月鏡圖哀詞

再姪孫其潛命狀圖

吳氏壽萱圖

再姪孫其潛命狀圖

再姪孫星植三俠圖

刺某時氣圖

松鹿圖

松鹿圖

松鹿圖

松鹿圖

松鹿圖

松鹿圖

松鹿圖

松鹿圖

松鹿圖

松鹿圖

松鹿圖

高徒中憲大夫盧思亭先生文

祭吳獲園文

一鳴集卷四之上 李械揚

參訂後學趙翰英

蘇堯

蘇堯

從弟南秉謙牧堂

四言

再姪孫之秉星樞

空

書沈亞之夢秦弄玉詩卷後

并序

一

癸亥三月盡日余以清羸就倦冀一睡瑣瑣然不可得慰山南久矣自憐病後愁思無聊日及衰榮相為朝暮既春而夏時不再來一二知交雲山閣隔扣柴荆燭誰可喻言古人窮困咸自著書僕向未能易以終日近讀沈亞之詩卷亞之吳興人唐太和初將之邪道出長安城外於客邸夢入秦主內史廖家旋拜左庶長尚秦公主弄玉黃衣中貴騎疾馬來延趨而入宮闕甚嚴呼公主出秀色天

一鳴集

卷之四上

一

成侍者列左右館於翠微宮一年公主沒亞之悼悵成疾秦王曰徹秦不足以辱大夫盍圖之對曰臣無狀不能許身得歸父母國君之惠也將行饒以酒為歌辭授舞者依聲和之四座皆泣下復命至翠微宮臆紗檀點珠翠遺階感咽良久已而送出關關吏曰盡此矣亞之與別語未竟夢覺余因廣其意而類次之

歲大淵獻其日丙丁余將假寐不掩雲局愁緒萬端茫茫

交集方地為輿戴天一笠人生若夢富貴何時白駒空谷

烏鵲戀枝鐘鼓池臺鮮衣肉食周北張南歡娛已極蛾眉

謠詠蘭芷怨深觸然玉立願俟知音稽沈亞之橐泉晝夢

館於翠微脯麟膠鳳珠眸瓠齒鬢髮鑑人蕙心宛結不可

悉陳其從娥媚笑語駢闐王睢定耦甫及一年咸陽旗旄

轉盼已非雲  
乘雨絕病骨  
疇依秦豈無人  
臣實孤陋再拜  
請辭涕零衣袖  
雨關送別傷如  
之何烏聲喚起  
誰與作歌  
天又生我漂泊  
山南美人遲暮  
于以停驂萬物  
泮溟谷神  
不死有沴於衷  
爲悲歌士昔傳  
巫峽暮雨朝雲  
登徒好色  
裝飾成文宓妃  
洛水何以招之  
繪馨染采感賦  
陳思宋璟  
梅花一庭虛白  
文章有神蓬萊  
仙骨裴航鄂渚  
侍者烏煙  
靈丹杵臼請以  
身前杳杳上清  
嵩山嫁女相禮  
璆韶今歸  
何許薛昭夜遁  
隱匿蘭昌雲容  
再世竟體猶芳  
京洛風塵  
翱翔張鬱不可  
久居相要袖拂  
芙蓉五色蓮葉  
雙鬢玉壺  
元柳渡海駕鸞  
斑鴉池川媚月  
馭回車贈詩封  
殖渺隔天涯

一鳴集

卷之四上

青童叩柱趨旭  
開歌獨行窈窕  
星月明河爲吳  
采鸞鍾陵  
秋夜謫向人間  
誰後來者望夫  
有石處女如花  
中央柴立  
何以無家彷彿  
有人亭亭可卽  
假以蹇修少陳  
胸臆榛苓  
寤嘆不字十年  
衣裳在笥吾將  
問天詩發乎情  
止乎禮義  
清風徐來悠然  
而睡

李萃湖夫子云宏博典懿以正以則其體裁當於天簡卜居問求之

李氏桂坡集頌

城郭春園蟠螽負地有宋旣南著公一世盱眙簽判實啟  
先聲讀書麗澤儒者知兵鑿五狼山漑田計敵宸翰怡怡  
字大如斗爵金華伯與弟家居桂坡夜月經訓苗裔自寄  
性情石門六觀壽已百年星輝雲煬螭坳上疏誰進厥良

陳樵胡濂在弟子行春草榮池冰壺雪嶠驢背衝寒西湖  
歸棹道州遺稿珠光夜沉故家敝帚軌亭千金黃鶴雙飛  
形諸嘆息弱冠能文驚人奪席有明開國應召婺州詩書  
風好垂老優游薦辟得人文章自試易簡名齋可以見志  
鳴騶面表珊瑚一鞭平涼太守相憶茫然鳳陽軍衙豸繡  
分巡補鍋一匠師事終身扃從連雲戰多奏凱轉徙大同  
庭幃和藹黔中閫幕籌畫煩勞洛窩郎洞已縮蝟毛著述  
拳拳敦宗爲最畀以高年右山晚翠銓曹就試歸隱桐臺  
武昌蒞政相與徘徊齊魯燕秦天涯瀕洞據石彈琴有材  
未用滇南疑獄往盡乃心又豈疆畝輿頌至今天地生吾  
一鳴集

卷之四上

三

飄然萍迹我豈蓬蒿尙存一息蒲輪束帛何者求官孤臣  
肥遯松濤夜寒

吳東田鑑古齋銘

河洛初開天文地質日月江河光輝篤實珠囊玉軸金匱  
石渠以經以緯數萬卷書鳳籙春雲鯨池夜雨道不虛行  
言規行矩聖人可學文暢朝乾銘曰鑑古惟以永年

臨家士英公定武蘭亭石刻

稽諸癸年禊亭春及叙事悟懷在斯猶昔竹陰蘭契觴詠  
欣然修湍水激聽于無絃係永樂初風清宙合朗映目間  
快爲已得放攬古今因和內外感遇旣殊畢萬後大一歲

九遷是或有故老至陳骸山林未暮騎娛峻宇寄託悲絲  
慨生賢者浪迹當時趣向雖羣情期每左抱痛悼殤咸嗟  
死所公先是授平涼知府乞歸許旨左遷廉州判官殤一子曰激天地流形品隨類集  
舍短引長喻言虛室彭知化日丑信齊人仰觀俯察斲以  
管臨躁氣相嘗倦游足述惠頌幽致固不可極

盛世崇文取錄暢茂况由視帶次列坐右豈作誕妄亦少  
異同能與靜會興盡曲終

得叔父遠堂手書并惠賜金日暮經蟾山受之

航以利涉而陸乘車悠悠道遠我勞何如名山月出爲玉  
蟾蜍在家晨起向夜讀書叔父曰噫旅人資斧省稽用之  
一鳴集

卷之四上

四

載瞻齊魯燕薊幽并剛柔水土汝慎旃哉以風以雨

二月二日集毛詩五章示剡中諸子

我來自東瞻言百里二月初吉景行行止

睨皖黃鳥載飛載鳴飲酒樂豈不如友生

楊柳依依我歌且謠人亦有言詢于芻蕘

鷄旣鳴矣維風及雨甯勉從事唱子和汝

嗟爾朋友受言藏之具曰予聖益亦勿思

七夕集毛詩三章

月出皎兮明星有爛嗟我懷人信誓旦旦

歧彼織女不敢馮河今夕何夕其嘯也歌

上帝臨汝秋以爲期既見君子夜如何其

擬展譜寄諸友人惠詩

時年九十

然水清澗流

齊晉曰齡克州曰耄讀養生篇九秋清節憶初兒戲家有

藏書得隨嚴侍亦步亦趨授以韋編樓高百尺馭李殷殷

有時請席

師事韋敬亭樓仰齋李莘湖夫子

與童子試忝在髫齡禪叢一

榻涼雨燈青吾婆淵源有聲鄰魯前輩齒牙軒髯鼓舞貯

玉壺冰晴實致之南昌衡鑑著大宗師

雲補彭夫子在南昌

天姥沃

州崑山神境丹竈夜然轆轤汲井韓孟雲龍若或在茲輪

蹄逐逐抑又何辭吳楚疆分天梳日帽尋向毗陵雀環未

報鄒曉屏老夫子家無錫

黃河幾渡岱嶽當前杏壇廟貌有几有筵

一鳴集

卷之四上

五

有跣突泉歷城登石欲訪南皮王修吳質盧溝月曉丹鳳

在門我

翰教孝齋朴

覃恩

得賜父母

晨夕思親背違已久謬得一瓊循牆而走故園

松菊尙切低徊題襟擊鉢可許重來有五男兒蠢愚塵垢

瓦礫枇糠爲之先後知交不鄙惠示唾餘爲豐年玉爲明

月珠

憶同年徐大凌漢

其生論大人者前就臣

春雲在岫聽鷓鴣鳴有濱溪者澹然水清憶彭侍郎浙東

校士而僕與君相叙以齒未曾轉瞬雨散星流趙岐傅奕



己自爲謀縵以年歲夫豈靳之伊人何許昕夕相思

松岑叔祖壽星圖

塊軋無垠混然一氣賦稟在人於以壽世黃輿肇始來自  
城東一塲奠定瑤草春風班序毛顛憮然尙齒勵我躬修  
書之惇史稽鄉三老可矩可規能樹立者事皆可爲藝不  
易田乃知稼穡且晚蓬萊木公左翼扶筇祝餉蘭蕙孫枝  
與沾肉帛抃舞

昌時睡亦太平梳頭洗足三五月盈盤旋蝙蝠韓稜降且  
許憶邳州有星炯炯湖光夜浮

漢張天師圖

一鳴集

卷之四上

六

淮水湯湯乃上鄱陽爲龍爲虎朱赤當王攝召萬靈居壁  
魯洞九鼎丹書浮生一夢又聞巴蜀沴氣爲災仙山鳴鶴  
相與裴回永壽二年渠亭再徘徊仗劍雌雄光芒夜起神明  
之後傳示無窮其神爲馬其氣如虹

吳蘭皋登瀛圖

唐以神武爲天下君史臣載筆房杜元勳爲子志遠爲蘇  
世長一爵一官以賢爲杖陸音孔疏典籍駢闐隴西二李  
璧合珠聯曰蓋曰虞曰姚曰褚爰暨薛收鷓鴣籓羽以次  
及之許爲談馬搢笏書思胡爲來者吾友蘭皋霞舉軒軒  
作蘭亭觀乃集四言天地流形崇蘭風日春氣修和靜觀

一室古今爲宙寄慨無因當其契合懷抱殊人  
盛世右文興會自然取之在己于以永年

郭漁村風雨歸舟圖

岱嶽樊雲江淮擊水爲汗漫游甄星順軌盧牟六合塊軋  
無垠郵籤悉數齋膺燕秦憶宋宣和岷以縣顯鴉沼鹿胎  
屢曾得見水經鄴注訪戴一溪漢鉛祝栗未辨東西觀九  
域圖丈夫有志不出戶庭幾于無事鮑桓雀躍春淑秋潭  
松濤謾謾五月江寒瀕洞天涯以風以雨一翦茅茨有家  
何許歸舟解纜負者在肩于時帆飽所向無前方地爲輿  
寫天以笠劔之刻之藺欒桂楫畫山鼠尾蠓石屨屨墨鴉  
一鳴集

卷之四上

七

麻姑馭鹿圖

吳苑麻姑香車繹釋瑤草琪花誰傳蹤跡神仙杳渺閭闔  
雲煙星房而地月馭帷天鹿壽爲靡萃蒿可食侍女一鞭  
始不相及當年作記曾築仙壇顏公橐筆骨重神寒修竹  
嫩人采蘭香袖有風冷然於時亭午

題瘋僧

天地洪爐陰陽爲炭泥竈丹砂樵蘇不爨江湖海日靈鷲  
巋然問誰拯世不可問天有宋旣南鑠金流火環腰鼓城  
惟師無我在秦會之薰心已極奠又萬方惟辟王食弗能

爲此抒寫煩憂梅將何及爛額焦頭

樓氏璧映堂山水圖

粵苑爲天海涵地負萬物滓溟古今曰宙盤釐十五憶蓬  
萊山松聲謖謖已闢塵寰岱嶽嵩衡職方爾雅俯視茫茫  
冀升高者吳門白馬匹練何如廬山在卽有志讀書析城  
王屋乙巳星占屬吾婺者映以明蟾郡望東陽志鐫劉峻  
嶠嶮嵯嶠誰與問訊鳳山之下爲譙國樓傳詩南宋其鳴  
秋秋七百餘年樹人樹木桃李巖阿流泉屈曲苔岑相得  
芟薙茅茨郟詵詵招隱辦百萬賞楸實離離荆花簇簇鶴籞  
楓丹鶯啼柳綠春雷夜震鱗甲之而培根一粒沐澤

一鳴集

卷之四上

八

昌時

蔣家睿織紙鋤耕圖

赤縣天垂黃輿地闢龜水橫山工於組織憶聲聲者樊育  
龔寬得圖畫手徒藉毫端一絹鴉溪圍南搗紙蜃氣樓臺  
海濤四起郭椒丁櫟于以耕田鑄鉏劓劇載咏豐年

壽外翰李司諭七旬

名泉字秋水海  
鹽人昌化教諭

城郭嶙峋彤雲海碧十五蟠螯蓬萊咫尺惟吾秋水稽古

泉陶武原家徒翡翠蘭茗

盛典南巡臣心破濯簪筆獻詩誰鳴鸞鴛珮琅璣金薤垂百  
萬篇得一知己所向無前孝養庭隅其學如脫韓孟雲龍

飄然吳會買山何處夜閣燈青松濤竹个相與忘形魏照  
染絲匡衡鄰壁風雨毫顛遂淘珠礫花磚日影裴珮珊瑚  
女羈男角鶴口分餐於以課讀經訓蓄畚以婚以嫁心蘭  
何如劉羊韓豕春釀梨花用斬綽綽而語牙牙視北弧南  
曾不我鄙楊柳垂絲一鞭馭李周周銜羽畱滯十年以兒  
事可壽酒誰先

李白句壽酒合誰先

贈厲效亭

城南橫塘人

秋水橫塘天涵一鏡楊柳如絲藕花香定義陽先世曾以  
詩鳴緱山何許夜月吹笙靖荔浦功乃文乃武馳馬還鄉  
軒乎欲舞有家再徙風雨南來庭闈孝養又補華陔垂白  
一鳴集

卷之四上

九

髡須甄權已老曠義滂仁肝榆心棗憶吾同學友事何如  
向嘗館我巷口停車次道前身與酣一嚼訂以百年春鬢  
夏閣郵筒袖刺寤寐相思白鴉金虎如或見之

贈馮玉城

絳縣疑年香山卷軸載衍箕疇正入昇福有馮先世以孝  
起家尙書卿尹四牡皇華憶陸敬輿最能得士兄弟偉然  
著名於史

拱之先生出陸宣公門下弟介夫先生唐書有傳

稠州卜築翼嗣茫茫

暨明繩武仍歸故鄉春水一溪鷗沙鷺渚吾友相存忘形  
爾汝綸竿在手好爲歌詩青鞵布襪筇杖一枝琴瑟墳簞  
翰帷借老驥子騰驤花蹄碧草瑤尊晉酒班序顛毛義輪

海曙天際松濤

俞竺陽六旬贈言

絳雪梅花玳筵春酒訂以百年禹糧堯韭青虬捧席白虎  
然丹怡然杖履裘佩珊瑚扶老爲籛養和一几孝友型家  
蒸蒸未已余亦驅馳黃金絡馬訊及前途河間青社輿圖  
指掌向有東陽河間春秋時名東陽會稽割郡益事更張稽古曰俞  
先聲似續簪綬弓裘文章歷錄近舍一峯半規明月燕尾  
溪流珠光貝闕琴張瑟下驥子鯨孫吹竽挾纘海日瞰瞰

俞樸齋梧桐鳳圖

乳縷雲天簫韶樂作有鳳來儀春翼夏閣岐山鐘鼓攬德  
一鳴集

卷之四上

十

之輝梧桐萃萃其大十圍斤鷄榆枋棲鸞枳棘誰實聞聲  
足足節節鸞臺鶴籟炳蔚文章河間地志國以東陽羽翼  
盛時菁莪棫樸翹首一鳴斗魁戴六

俞樸齋耕讀寫照

俞得氏在河間徒駭以南鬲津以北九河故蹟余嘗往  
過之唐開寶初曰琬臨安刺史遷於新安宋南渡文傑  
公以下分爲十三軒元泰定間又徙馱塘之墦下樸齋  
有取於朝出耕夜歸讀古人書也繪一圖贅以四言

雲縵天垂松鱗瑤島風緒雨痕悠然懷抱品書三味銘枕  
六安須臾洒落於以盤桓讀飯牛歌南山白石夜月江濤

扁舟葦荻

時將抵杭

爐煙茗鼎同字蝸髻有圖畫史誰與相要

樓曙霞牧牛圖

松鱗之而盤根山石聽瀑有聲雲華一碧雕今潤古晨夕  
嗜書煙雲履舄欲上匡廬憶飯牛歌單衣至骨相楚相齊  
夢醒夜半郭椒丁櫟草暖莎肥有星近斗河漢天低於易  
爲坤耕耘五德褚氏榮陽相經辨色煙蓑雨笠繁豈無人  
鳳山之下爛熳天真生子而儀猶然舐犢有力克肩大輿  
之輓

李竹居寫照

天霽幷幪秘山垠塲裴楷添毫謝鯤邱壑昌黎月上丹桂

一鳴集

卷之四上

士

幾枝梅官竹史疇寔寤思張呂劉良選樓晨暮斧藻琳琅  
學邯鄲步鯨搏碧海鶴盼青霄在醜酸外書味偏饒數十  
年來與邕識面互影闌干微風自扇蒙泉養正髻鬣能文  
甘於說士肉抵將軍佳釀一傾爲家次道曾否執鞭馬蹄  
芳草

胡漸達寫照

有松鱗鱗穹根絡石塊軋無垠惟天一碧憶君家世麀壽

髭頰嵩容桂帛繪事何如

胡氏祖有四老圖

皎鶴翩翩游魚策策

茗鼎爐煙回氏染墨珥玕玉立修竹美人緘書一卷誰寫

眞眞裴楷添毫謝鯤邱壑胡杲香山吟詩洒落岐陽獵碣

尚在橋門依然舊好共數晨昏訂以百年菊泉釀酒布襪  
青鞵不脛而走

盧春畚寫照

修竹脩脩惟天一碧跂石瓊瓏雲煙咫尺范陽得勝憶宋  
治平文章政事弈禩傳聲有家卜築載以詩書青崖山立  
自訂匡居桂醕秋香松濤夜定明月前身誰歟自鏡思抽  
乙乙濡染毫頭盧牟六合所向無前

李達齋寫真

春水池塘鳴鸚在柳善無近名傳之既久宿儒講席經史  
之腴一軒蛾術月蚌明珠頰壁橋門岐陽石鼓尙記花甌  
一鳴集

卷之四上

七

於以步武

樓雨菴寫照

橐籥天涵陶鑄一碧廣廈嶙峋雲煙咫尺龔寬樊育濡染  
毫顛桂枝秋夜月馭嬋娟有十二樓聽吹笙者鸚鵡能言  
偏遺爾雅游鱗策策石罅瓏玲逍遙自醉可以自銘樓鑰有白  
醉竹逕琅玕松根磊砢佳釀一傾屢曾客我讀平江集更  
定歌詩兩菴己刊樓蓬萊先生平江集又錄鳳山集詩稿若干卷高禩弓韞盍亦祀之

從弟劭平寫照

雲暢天青大專樂物塊軋無垠珠光貝闕鼎籛簪纓韓原  
家世宋月齋公咸淳初有第宅在韓原有志四方吾以爲弟扁舟夜月震

澤波清由拳構李心緒煩勞每喚卿卿曾鳴節節子驥孫  
鯨欲加諸膝琴張瑟不絃誦桃夭黃磁白石可種蘭茗有  
家咫尺相對依然雄談抵掌所向無前飲則相攜願言醉  
止得黃金羣請從魏始

王勣從弟馭洲寫照  
松翠干霄桂枝映月喬梓一庭珠光貝闕猗與吾弟腹有  
五倉鼎彙銘訓數典不忘乃夢石麟堪馴金虎名之曰斌  
軒乎欲舞

贈張步丹

河洛初開左圖右史夜月張星遂以爲氏會稽分郡瑤婺  
一鳴集

卷之四上

七

名州桑經鄺注浙水西流割孝烏鄉有唐垂拱城郭參差  
定誰息踵天關地履金石文章黃門給事後裔蕃昌燕剪  
分流鼇蟠定址露萼花臺齋嬰近市山川雲雨有開必先  
得交槎使星河在天驥子鯨孫軒乎欲舞澤以詩書雕今  
潤古栽松一粒蜿蜒蜒樹人樹木定誰百年傅亮摩環  
王濛製帽童稚驩欣從其所好乃書七月涼氣新秋五倉  
在腹長揖諸侯墨漬毫端曠焉自訂苔岑晨昏相見  
莊樗惠瓠余復何如得蒲萄酒秣馬膏車

吳明杰哀辭

吳香泉明杰字偉人在諸生有聲饒於  
岸益肆志爲文治家事井井旣喪偶於

邑不自得夏五月九日以病終舉一子五歲女四  
余讀其自誌一章故交聞寂非復昔時潸然隕涕



天地大絳金流火烈人非百年死生一快憶歲丁酉婺城  
之營以兄事吳夢聯姓名余夢聯名後果應麗州刻水書劍茫茫

吳在程定山門下問以契闊余亦不遑禪叢夜栖空山賦  
三年在剡一年

黑燭滅幃深馮依叵測宿山寺得病犧尊已斲其斷在溝文章

未幾盡然春秋南薰夏五有鵬在庭牙絃秦缶孰與晦暝

訪君未會謂君自惜異用史巫變醜養瘠穀飛風落吳病盡

疇實致之命也何如乃止於斯嗚呼有哀使余痛汝汝尙  
有知依依兒女徐陳應劉曷當問天凄其激楚爲吳香泉

言同學王東井煒

一鳴集

卷之四上

四

戴斗奎光沉綿霄漢石爍金流嘔焉雲散河汾名郡家有  
藏書濮鉛祝栗定指南車吾鄙樹羣軒軒後起垂老年華  
壯心未已螺濡九墨風雨毫顛當其自得所向無前春柳  
啼鶯秋花戀蝶蟬蛻希聲鷓鴣蟲睫葯鐺左右向亦能醫  
山筋地髓如飲上池姤卦一陰加餐欲哽盡然心傷爲吾  
東井啟緘再閱涕泗潛流白駒空谷尙又何求人誰百年  
以壘以夕太守雁門不如縫掖風騷詩社今已圓然蹉跎  
兩失富貴神仙

哭從弟劭平

天地蒼凝旃幪一碧人誰百年日光駒隙憶初誕育頽然

而長讀書識字昆季雁行比年奔走吳會江分扁舟吳越  
鷓旅晨昏物土之宜簾費橐負好子而家漸臻富有沈綿  
不起和緩前來蓂荅罔效嗚呼有哀不界以年遽遽一夢  
已定蓋棺麻衣羣從范丹殮畢文度故舟孝經三卷雷首  
山卽構絮椒漿泫然隕涕何以招之熒光楮幣

鵬翮搏扶以六月息杲杲義輪風聲無力近蓬萊島疑有  
神仙人生奄忽吾將問天簪筆讀書恂恂吾弟一往飄然  
爲誰隕涕泥橋諛墓衰經在躬楊垂七七銜恤未終相對  
禪叢千金一諾是夜雨螢燈殘淚蠟吁嗟骨立痛憶雙親  
一鳴集

卷之四上

五

肫忱况我得泥稚吞屬在盛年青衿遂止造物冥冥促吾  
衰齒祖車魂馬蟬蛻無聲淒其井柳尙俟銘旌

蘇門祭王鶴潭先生從祀鄉賢文

鄒魯先替徵之文獻吾道不孤著書乃見儒林文苑史漢  
釐然河汾上策克任一肩天祐斯文闕閭濂洛有宋旣南  
名儒參錯我

朝稽古曰敬曰誠鐫聚珍版淵默雷聲麗澤遺書表章羽  
翼師事有人主盟壇席先生論定垂二百年謹遵  
諭旨從祀鄉賢渥吉薦馨牲牲酒醴三畫連中蒸蒸日上

而長祭書滿字昆季雁行比年奔走吳會江分扁舟吳越

誥授中憲大夫盧思亭先生文

天畀正人令終壽考屬范陽盧榮名爲寶辟雍鐘鼓奔鳥  
綿延分光太乙已及百年河澣橋高門墻咫尺絢爛天真  
束躬圭璧都城戴

日義馭瞰瞰

堯階

舜陛屢沐

覃恩諏日南歸故鄉聚首言孝言慈諄諄引誘秋闈得士  
吳會江分翩然邸報馳驟風雲垂老恬熙有孫鵲起見虎  
一文長鯨千里封翁宅兆職之冢人靈輻執紼涕泗沾巾  
一鳴集

卷之四上

六

構糇椒漿牲牢蠲潔艾火蕭光庶幾馮式嗚呼尙饗

祭健菴屈明府文

嗚呼江漢炳靈坤垠地軸昇我邑侯實爲司牧稽侯先世  
賢杖德輿

覃恩黼黻濯錦以魚自著文章棘闈數薦秣馬騰槽垂虹  
飲練賦傳宋玉經授侯芭當其獎勵餘慧齒牙明經一科  
漢唐已始樹木樹人楨楠杞梓參旗井鉞作作有芒於時  
警盜鋒蝟斧蟾籌畫一羶星馳露宿以臂使之賣刀買犢  
執政曰能

堯階陛見俾撫字民浙西屬縣旣已下車驩歌來暮良耜

豐年雉馴虎渡蒸蒸孝弟以率不頁飲金佐讀學在自強  
山果園蔬淡然明志事酒數行馨鮮取次囊雲袖石顧盼  
恬如訟庭花落蒼白髭鬚天地洪爐陰陽爲炭願訂歸期  
秋槎銀漢五行之沴腸游遂仙尻輪神馬宦橐蕭然昔范  
萊蕪幅巾殮畢預擬銘辭趙岐傳弈肝榆心棗空谷蘭荃  
夢蕉覆鹿枯柳栖蟬於邑悲風山哀浦思歿而爲神當無  
不至口碑戴德唯我唐昌申椒乙鼎以薦馨香嗟昌人兮  
失慈父母尸而祝之稽首頓首

祭世講李錦齋文

雪乳春融雲牙夜捲憶昔選樓劉良張銑文章金石當宋  
一鳴集

卷之四上

七

盛時石廬肇造桂林一枝錫爵金華勲名焜耀爰宅泗溪  
笏山晴照珠璣玉典奕鳥善鳴城東氏族乃樹先聲伊我  
錦齋毅然強立一氣氤氳誰爲噓吸芝顏卷軸慎重孝經  
庭闈養疴午夜燈青棣萼燠籠羹倫攸好松鱗宛延聽蓬  
萊島丹砂玉象以餌神仙一花一木醒酒平泉不速客來  
繫維朝夕太守雁門不如縫掖當其契合莫或間之曾疑  
權會輒稱項斯六十一年金銷石泐卷旃有心悽其感惻  
蘇魞化鶴鄭繁騎驢蘭蓀竹立涕泗漣如張范知交惠莊  
齊物一束生芻山寒落月椒觴構縉酌酒空庭旣爲井柳

以俟旌銘

鳳律春寒風盪瑟瑟堯典鼎中冰凝石泐我州司馬世系  
延陵暨於南渡發學相承憶昔垂髫犀錢玉果眷戀庭帷  
誰與腹我范馨一硯持示童孫觀摩既久樹立吳門能芥  
千金拯人於溺鬻婦何爲籌其緩急勾容有盜祛篋蠹更  
尋還故物藉以再生雲漢爲章匠心追琢試院黜然姓名  
齒錄嬰孩赤立饑饉無年筮筮出粟并割腴田天地大絃  
悉歸胞與磬折舟旋殷勤告語獅山月白向夜烏啼亭臬  
落葉流水一溪東壁文昌天樽酒食廣廈旃幪以朝以夕  
尋赤松子鶴已翩躚妻其欲絕秦缶牙絃預自爲銘趙岐  
一鳴集

卷之四上

六

傅奔雷首之陽瘞皇甫謐喬高梓俯讀鑿楹書老成凋謝  
慨息何如齋沐薦馨椒漿絮酒神其鑒之再拜稽首嗚呼  
尙饗

岱嶽嶙峋江河浩蕩稟以五行扶搖而上周章熊遂吳始  
可徵史遷列傳第一延陵分郡會稽有唐甚盛謚文簡公  
逮山陰令名儒在宋肇造巽溪發爲鄒魯實相攜提館于  
鹿山相基屋至天地遽廬霞朝月夕暨珠竹軒乃知名士  
金薤琳琅駢羅經史高會矩矱垂訓殷然錄輪軒集尙著  
詩篇吾友獲園讀書心解風雨毫顛輒工行楷聽烏孝養

明發思親薛修原涉於邑酸辛榛莽巖阿乃翁宅兆琢石  
穹碑未曾阡表有兒豹隱有壻鯤搏天樽酒食飽肉重槃  
張翰思鱸鄭莊秣馬藉甚知交以風以雅夔傷一足溽暑  
沉縣金銷石爍不可問天文度故舟誰爲易簣自祭陶潛  
自銘傅奕椒漿構精牲醴肴蔬秋風瑟瑟甄胃記吳嗚呼  
尙饗

祭周耿庵文

稽子南君封侯肇始逮漢姬嘉以周爲氏有唐武德宋建  
炎初汝南望郡已奠厥居乃按東甌淮巖再徙來版吾東  
家聲鵠起先生宿抱絢爛文章其學如蛻搜臆縑緝跂石  
一鳴集

卷之四上

九

眠雲有終焉志黃土搏人于以從事岐陽獵碣輦致橋門  
燕昭市駿築館猶存讀汝墳詩親年遲暮山氣周公亦趨  
亦步爨倫攸叙喬梓墳篋雷陳膠漆又屬相知鮒潤鴻敷  
濡之以粟有夾衾兒誰爲鞠育勾芒太皞春風煦人問司  
命籙完璞歸眞天地洪爐陰陽爲炭軒鼎一然燈輝歷亂  
飄塵奄忽人誰百年成功者退時烏變遷張范訂交惠莊  
齊物薰帳麻衣靈輶執紼有春不相而巷不歌孝經一卷  
雷首山阿富貴何如邯鄲一夢爲馬廷鸞知兒有用銀丸  
玉版萬壑清冰仙仍白鶴弔豈青蠅井柳指南家人率作  
事定蓋棺凄其繆幕峴碑墮淚先以大招有心卷旆雨雪

夜飄構精肴蔬杯鏞清酒于以奠之魂歸來否

朝陽圖

按畫譜亦作五雲圖

丹穴之山君子之國有鳳扶搏文章五色稽之瑞應會以紀官后夔典樂儀用羽翰周盛來棲梧岡戾止日曉雲形帷天尺咫崑崙砥柱飲啄自如熙熙皞皞混一車書鷗亦爲名鵬原爲字鸞鸞重文可以一試羽屬會經托於師曠風雨露霜悉昭其狀烏之不浴鸚之自知有信天緣壹宿佳其一鳥二鳥十鳥異形有朝陽者炳然丹青嗤彼鸞鳩榆枋是搶鶉僅一枝雉僅一文有鷄吐綬有鶴附丹分爲九扈知音實難乃覽德輝翩然而下畢然長鳴端倪造化一鳴集

卷之四上

三

節節足足雖離喑喑鳳將飛兮天閭力排我披是圖塗鴉着墨書紙尾鸞兼以象德

郭漁村金錢孔雀圖

丹鳳城南義輪駁日不可端倪函之爲一割東陽郡憶自會稽不脛而走無翼而飛仰太白山有喬有梓設館授餐瀕于溪浹鷗沙鷺石春柳如絲鳴鸞恰恰鼓吹盛時斥鴳枋榆栖鸞枳棘六月搏扶大鵬一息文章追琢海曙霞軒稽之爾雅鸚鵡不言憶昔高駢爲射雕手杓以鷗鷁黃鸝尊酒鷓鴣蟲睫問訊莊周爲班定遠燕領封侯辨翡翠罌著歸田錄揚億鶴胎誰會品目夜月鷓鴣欲行不得聽雨

瀟瀟有泥滑滑鄭州漫畫斯夕偏勞倘不如我又晒寒號  
鴻雁來賓彭蠡陽鳥有隼在殃雉鳴曰鷺白鷺一飽遂感  
昌黎李翱張籍相與提攜冉冉韶華網羅今古向夜鷄鳴  
爲之起舞箕疇錫福好于而家德馨堂構有語牙牙負郭  
畚田煌然姓氏孔雀珥門傳圖畫史金錢璀璨花蕊殷紅  
多文爲富廣廈併幪載考禽經丰裁想見袖刺思澄于時  
清讌

李巨川愛蓮圖

天啟斯文奏五星聚稽宋名賢麟郊鳳羽南安一掾有開  
必先蓮華峯下築室當年繪太極圖言以載道春風藹如  
一鳴集

卷之四上

主

對窗前草二程師事吾學已行楊羅步武又李延平而性  
愛蓮本之主靜以力仔肩誰當馳騁雍陶白鷺屬在詩人  
亭亭玉立自率天真楊柳垂絲石闌曲尺清水芙蓉露晨  
煙夕姚崇魏相名花幾枝漉巾一醉富貴何時得藕如船  
餘香心寫紈扇清涼疇後來者荃橈桂楫憶向湖西薦蘋  
祀典會拜濂溪濂溪公祠在西湖邊畫史有神毫端審識七百餘年  
典型在卽

擬江煜瀟湘圖

論荷附記

秋水芙蓉瀟湘聽雨自點荷珠美人容與稽之爾雅其葉  
爲遺爲根爲寘又菡萏花憶韓保昇暨邢昺註郭璞陸機



呼名異趣池塘歛澗會記納涼游魚數尾白鷺晴光江燈  
訂訛爲周茂叔麤入愛蓮遂知心曲鬢甘蕙苦蒟子依然

一傾家釀有藕如船韓以葉爲荷那易云蓮花也郭詳爾雅陸機草木疏以莖爲荷末發爲苗

荷已發爲芙蓉江東爲芙蓉北人以藕爲荷以蓮爲荷蜀以藕爲茄

雙松掛日圖

爲再姪瑞典題

再整雙松圖

誅蕩天開義輪日杲松濤有聲近蓬萊島之而鱗甲於震

爲龍森然骨立自鄙秦封既老其材雲煙咫尺樗櫟輪囷

咨嗟匠石天地好生樹人樹木其始萌芽當年夢腹春皋

培塿不數鄭薰歲寒節見誰與爲羣磊落莫多問蒼髯叟

洎染毫顛蛟龍欲走吾宗雙柏更數百年南湖宗祠有雙柏至今尙存

一鳴集

卷之四上

三

每懷疇昔所向無前

松鹿圖

爲再姪孫敬典題

春盎蓬萊松營謾謾旣茁蒿駟然有鹿稽周初盛用讌

嘉賓皇華四牡眷念使臣宵雅肆三以官其始霧隊雲肩

文章似此秋高山靜引吭一鳴吹噓天籟時護芝英紙閣

讀書爲裴安祖昆季驩然軒鑿鼓舞圖麟在閣獵豹成裘

宣和畫譜傳寫叻叻楚漢爭雄干戈馳逐枕石高鳴稱心

易足山膚水豢壽可千年呼之欲出以至其天

陳某搏虎圖

巨獸啞人憶在往歲其兵利身而不自衛猱升兔狡遁逃

網羅弱肉強食將奈虎何綢州麗州有騷除手一力往招  
瘴之巖數文山磷磷以耕以織以飽以嬉蕃滋休息松阿  
蔓壑風聲徐來巷門魚鑰於今夜開嗚呼陳君歿則祭社  
問功德池誰栖禪者

杜茫州八駿圖

房星熊熊電馳雲豬得其精英於乾爲馬曰驪曰駱曰駘  
曰驥爲駘八尺其名甚章國馬行軍公馬稱賦十有二閑  
以供騶馭黃金市駿遂致龍媒劇辛樂毅奔走偕來儀氏  
韉中泉氏口齒喻氏唇毫相經類比憶余遠適楊柳春鞭  
南行吳楚北抵幽燕馭裏驂驪一日千里太僕令丞殆非  
一鳴集

卷之四上

知己聞李龍眠稱名畫手曹將軍霸亦傳不朽當其命意  
風雨毫顛簡其最處所向無前及觀是圖未歸銜勒淺草  
空原誰與物色蒙皮以虎剪紙爲驢天然骨格驥首何如  
畱杜有年余留社家二年知會御我睇睇之心卽睇顏可

從姪治昌鍾馗圖

搏土爲人天關地軸塊軋無垠巨嶺戴六官骸悉悉賦界  
攸殊一名一物踈實排虛向有蝦辭鍾馗寫貌得一男兒  
誰歸於筵每牛雖馬來白何年石麟夢兆彌切愛憐瑞氣  
盈庭鹿脚芝草露萼煙叢近蓬萊島參爲孝子璧王文章  
有星耿耿示吾治昌

再姪孫星楂三俠圖

英雄記虞翻以後不復載一人雖之也王摩詰寫伏勝圖李龍眠繪蘇子瞻像生氣有勃然者星楂賢英只有志讀聖賢書知勇為天德肩仁義而本於氣之剛思其艱以圖其易絲此其選也三俠圖

傳奇者為之自鳴其胸臆寓意有深焉矣贅以四言

巫峽參差為雲為雨更向嵩山疑為神女陳思賦洛瓠齒

蛾眉髮光可鑑綽約生姿館於臺泉夢秦弄玉窮鳥戀枝

繫駒空谷為吳采鸞鍾陵秋夜寫韻一亭誰共來者琢珊

瑚鞭驪駟千里髯也空羣松濤欲起琅玕在即修竹儵儵

蓬萊官殿明月藍橋

再姪孫其濬怡親圖

一鳴集

卷之四上

雷

海鳥蓬瀛松濤謾樓閣玲瓏天關地軸問碧桃花有紅

蝴蝶修竹琅玕亭亭玉立板輿迎養向亦有人庭幃暈夕

以親其親

張氏壽萱圖

張氏歸從姪亦仙賢伉儷也不及事姑若舅瞻然老矣晨夕瘳門外問飲食起居寒禩有儀矩家故

傳鄰有不舉火者界升斗需男貽典悉聽從課一孫其燦每得師緹糧衣被頂簪之應州縣試亦然

會孫麗迪穎秀耐人余羈留浙水西既歸每得見鬢絲絲未盡雪髮居久之尚銀鬢也辭曰

梧雨聲涼竹霄个計拜母護庭杜蘅蘭蕙有男跂石自樹

其家霞朝月夕可紀年華夏統乘舟浴鳧深淺披藕花風

冷然而善

杜氏志慶圖

卷之四

雁襲天帙以爲神也荆茗亦及之荻畫有蘆然者杜氏爲京兆郡既歸於時君舅耄矣年五十餘而寡撫一男敬典比長俾讀書曉李瀚蒙求揚雄訓纂也能治家孫其濬教誨之整齊之罔或怠手牟

尼珠可謂慈矣詞曰

愛日暄妍春風瑤草有母康彊近蓬萊島鳴鸚在柳松桂

秋煙門閣嘗倚樓閣歸然

劉氏綽綰眉壽圖

松蓋雲煙牆垣修竹春雨桃夭抽紅染綠兎毫欲寫寤寐相思蕙心隱隱有鹿啣芝粉女嬌兒定誰嫗煦乃祀高禩

鴛鴦蓮羽燈光分照徐吾李吾比鄰緩急如切肌膚篤耨

一鳴集

卷之四上

五

爐香有神鑑止得牟尼珠以臂指使袂規衣矩頰笑不聞

坤維厚德一氣氤氳

杜氏月鏡圖哀詞

蘭芷蕙荃於風騷藉以見志也宋嘉定間有自天台勝吾邑厚山杜氏者與吾族爲世姻再姪孫星植旣奠雁在重慈具慶下聽鳴雞鹽盍散曉月簾鉤問庭闈寢膳潄濯以時簪一燈佐讀相敬如賓琴諧瑟好甚得舅姑歡舉一子懿迪能舞象誦書榜女如花氏年三十四溘然逝矣詞曰

春雨酸然流泉响石有蘭同功夢梭一擲牕紗檀點珠翠

盈堦命也如斯與世不諧宋璟梅花榮名爲寶脈脈寸心

卷施有草誰與作誅娥媚何如其神恍惚見五雲車

一鳴集卷四之下駢體目錄

重修關帝廟引

重建太平橋引

淨巖寺募築隄小引

重建七里橋啟

餞司諭蔣午橋夫子啟

餞張丹邨秩滿考績應梧垞服闋之官甘肅啟

李葆葦又蛭室辭卷啟

試歸寄趙大啟

初冬寄草湖李夫子門下諸友啟

一鳴集 卷四之下 目錄

家慈李氏六旬徵詩啟

李秋水同寅七旬啟

趙果堂先生六旬啟

代唐昌黃明府下車觀風示

李女史沁香樓贖稿序

剡西州司馬錢青垣先生七旬序

唐昌凌擷蒼先生壽序

明經吳蓼莪先生六旬序

徐軼軒八旬序

俞藍田姻翁雙壽序

明經周經田七旬序

明經厲韞山七秩序

節孝李趙母七旬序

一鳴集

卷四之下目錄

二



李文正公香林齋書序

刻西州司馬益青坦先生七旬序

高昌凌樹老先生壽序

節孝李趙母七旬序

節孝李趙母七旬序

節孝李趙母七旬序

一鳴集卷四之下李毓棠芾亭

參訂後學周夢然藜青

婺東何豫苻洲氏著俞均仲鶴丹

張步丹暎埠

同校後學 王樹森蘭塔

重修關帝廟引膏盒

嶽瀆氤氳嶢嶻燾覆雷鞭日轂井鉞參旗當皇極之建中

尚武功而勘定兵刑既靖愷澤旁敷爲

昊綽之所憑依在

朝廷以爲秩序我

一鳴集 卷四之下

忠義神武仁勇威顯關聖大帝者浩氣彌綸忠誠厲翼屢

增

徽號惟切牖民稽祀典而悚惶仰聲靈之赫濯重闔載啟

有廟將頽知昌化縣某齋沐嚮晨吉蠲誼日簿書偶暇簞

畫徧勞木客自秦金膏爲兌葺城一角甃石雙溪瞻絡繹

於中遠定規模以後殿光照公裕昌公成忠公王章瑱獨建某等言同則繹

萃聚而升匠斤樸斲塹垣堅牢森畫戟於軒墀繪垂裳之

藻火漢唐地志吳越風謠衡諸義而必爲質之神而無忝

熊蹲鳳峙麇集鷄來家用平康物無疵厲聽

昌時鼓吹是用畢然知化日舒長與有成者

重建太平橋引

雲巘圍天水泉瀉地瀦而爲澤注者曰川春漲平蕪白沙  
擁沫尋殘碑於梓里漏載筆之桑欽有若練然於時橋起  
荊州一脈浙水旁支嗟厲揭之無從聽淪胥而屢敗浴鳧  
旣沒乘鯉誰來傳食客之呼航鮮栖禪於寶篋關梁驛路  
旌旆輪蹄山縣行滕石民負擔繪太平於無象惟信可砥  
遵王道而遐瞻載忻如砥某忝在武隆之學與觀樓瑋之  
圖瘠土要津成梁紀月追渡虎之循聲辟條狼而聽政軒  
車未濟宦橐誰空檀道濟量沙爲之計算米元章拜石藉  
以增高籀金幾許梓匠兼需籌置藝之艱難盼垂虹而獎  
一鳴集

卷四之下

二

勸延表以度文墨維均題柱前來恬波就下緬當境山樊  
水郭相與有成須後時布襪青鞵願從此始

重建七里橋啟

鹿瞳平蕪鷗牀淺瀨曙雲欲起春水方滋尋縣圃之三成  
錫橋名以七里在坑在谷爲渚爲川刳臥板而駢枝駕浮  
梁以泛梗紫溪一曲嘉靖當年羌弗濟以舟輿輒更籌之  
匠石山深穀雨水漲桃花鴨已化鵬雀曾爲蛤盼鱗鱗於  
夾岸聽浙浙以兼旬誰復善泗每嗟屢壞雪肩鄭棗之驢  
風骨琴高之鯉詩人以丁卯爲橋日者惟建除有事奔馳  
負販絡繹行旌須轉敗以爲功願因高而益固遺碑歷久



扶石爭前排鐵鎖於沉江啟金繩之覺路宰爲單父曾思  
陽晝之言人向邯鄲弗窘壽陵之步謹啟

募築堤小引

代淨巖寺住僧作

石巘靡蕪山椒篠蕩缺一隅而未障憑雙樹以爲樊海天  
暎鶴尋丈室之煙霞茶臼聽魚紀禪菴之雨雪庇以數椽  
因之終歲知聚上之爲升用圖終而慎始營堤得尺卜築  
何年住僧某某者閩黎踵頂腴腿要支以鑽蜂磨蟻之勞  
爲黃絹青蚨之學相陰陽而置菜冀困廩之餘膏檀道濟  
唱籌盛諸布袋周公山佳氣錫以緉兒水簾月近金甍泉  
飛度憐餅鉢生涯終歸有濟伏願宗雷履烏尙賁先聲販  
一鳴集

卷四之下

三

依所及銘感無窮

即善餞司諭蔣午橋夫子啟

暨陽人

雉堞嶙峋鯨波浩渺黃鐘吐管白阜成圖分戴斗之餘光  
仰成均而帥教楷楨在卽圭臬爲儀論秀書升飭躬砥行  
虞庠肇始魯殿依然俾爲學之基先立惟得師而道乃尊  
我午橋老夫子夫子周已封侯蔣仍錫爵遷杜陵而作牧

讀楊逸之遺碑鈴轄會稽葢盟句踐姚江畫舸浣石虛沙

蔣氏自明季

畱粵鏘之譚吟

祖某公廣東邑令

啟裴莊之物色

裴度

有午橋莊

珊瑚可網翡翠爲罍松液然燈棘闈射策得李翺張

藉許屬韓門尋天鏡石帆頻探禹穴卦爻讀易絃誦知詩

編書從堯舜以來載筆暨隱桓之後鴻裁羽翼虎僕文章  
掇拾菁華馨香俎豆上丁釋奠齋戒先期諸子隨行束脩  
自愛羊鉤豕鼎鳳鹵犧尊琴瑟軒縣鼓鐘虞業稽嶰谷而

諧聲逮胡瑗而正樂

修祭器樂器

絲綸屢沛學校更深當有叩而輒鳴自無心以成感陳孟  
公尺牘謝仁祖餘糧玉價珠聲簾齋橐負雁行捧檄鱗次  
升階塞壽母之板輿敢忘定省餌宜男以瓊蘂猶復提撕  
某等蝸涎蟻術爵躍鳧趨憐甯越以課功示彭宣而知恥  
謙光藹藹啟迪循循延竹徑之知交近梅花而宿夢斯文  
未墜有德能容孝友薰蒸葵倫就緒行旌載道講席踰年

一鳴集

卷四之下

四

雲壑杳茫雪泥惆悵繫驂驪而仰沫鳴鸞鷺以高騫獻曝  
微忱攜尊竊錢向時濡染將共圖延篤而傳衣前路追陪  
慎弗窘壽陵之進步謹啟

錢張丹邨秩滿考績應梧圯服闋之官甘肅啟

前戊辰借丹邨梧圯面都城余告病痊家居張教  
授括蒼應署玉山是年同舉一子今在廣潤寺

城郭摩天海濤浴日地輿在掌鈴轄諸州刊繫望於漢唐  
編春秋之吳越屬寶鼎初年敬鄉有錄為餘杭故郡同志  
偕來讀書教學廉吏謳思式銘訓以循牆垂鑑觀於戒石  
淵源在魯驛騎先秦起臥榻之邊詔得援琴於單父束脩  
子弟申勸彞倫翹秀因材馭民朽索鄙甚侏儒之飽徒事

詠諧思從帖岬之瞻與嗟孝養金臺郭隗石鼓岐陽霑夜  
雨以題襟籥春雲而射策十年轉盼奔走勞臣三索皆男  
愛憐少子弗教墮武帷微夢寐之蘭曾否郵書寺報平安  
之竹某蓼蟲習苦蕉鹿爭憐范睢之舌故存彭澤之腰疇  
折慙茲驢券悔及雉膏思君子兮用船賦美人而如玉文  
章報國以來謹從硯北政治撫心之暇重見湖西乘車下  
邑酌酒當軒向長以損益見幾王霸則耕耘爲業達鴻臚  
厲磨蝎煩紆卻徹帚之千金尙披裘於五月蕙心脈脈種  
壽栖栖籌染夏之墨莊問沈朱於花縣霧成遠市爭知麗  
澤之占景行在卽星戴輕輶冀訪平涼之守遺愛何如明永

一鳴集

卷四之下

五

樂間上廉吏十九人豫從祖士英官平涼太守擢第一尋遷兩淮鹽運使得定武蘭亭本

李葆菴又蝸室詩卷啟

蠹簡名山蛟盤夜壑知蠹沒而燈青暗晷思於蝨白鑽蠹  
一紙射蝨如輪月蚪明珠霜螯佐酒思前修之跬步得則  
蟻行識處世於衡門居曾蝸結緬金華伯稽泰定間陳諫  
草於螭坳佩忠忱於蚌腹藻圓蚓曲疇廣蟋蟀之鳴蠅觸  
蜂衙竊効鬻龜之隱於是岑參述祖李泌觀書以蒲盧之  
類我惟脈望之能仙負殼爲螺餘蚶錫貝驪讀蛻之知交  
歌吟相贈異巢蟲而渺處淬厲又新

試歸寄趙六啟

雁陣江天蟬聲水閣白蘋乍泛黃葉于飛辭故里以過征  
趣輕裝而遠適曙光戒道嵐氣迎秋於時秦牙相馬鞭策  
偕來衛玠升車輪轂互擊相傳照乘之珠共寶連城之璧  
特書姓氏覩縷篇章擅梁苑之鄒枚獻漢廷之李郭等將  
濫吹笛自孤吟暖姝咄咄思滌鑑之維清望冰  
壺而不滓旣而鼓譟言歸聯翩惜別駕一葉之輕舟盪于  
尋之暮汝檣危皎月艣重嚴霜泊處提壺辨村醪之下若  
移時抱鄴歌郢曲於中流酒酣耳熱辰遠天高自爲得之  
伊可懷也未幾鷁首橈停羊腸徑惡桂英已寂菊蕊將開  
撫劍佩以自雄指蓬瀛而若卽喚幾人夢寐猶戀湖西知

一鳴集

卷四之下

六

何處聲名共瞻斗北爲時一曠結想徒殷忽憐杼柚之空  
寒砧不起徧冀台垣之映隕石無從而吾與子養晦十年  
包羞三戰鋒將切玉不登曹沫之壇賦可凌雲應握左思  
之管柏梁豈遠蓉鏡還開倘惠我之有人不辭獻曝庶雄  
心之再鼓終許飛天

初冬寄李莘湖夫子門下諸友啟

蛾術匪躋鷄臆宛卽金其在冶木則從繩思千里以登堂

計十年而就傳如臨父母夫子嘗示豫輩曰無有師保如臨父母屢切羹牆

偉鱸席之聲施頌雁汀之序次非河西迭唱其曲彌高至

斗北餘光每懷靡及某地森竹箭人立蒹葭橈停訪戴之

舟館設畱徐之榻乍緣種豆知無事於悲歌旋類飛蓬業  
已慚於學殖幾年契闊終裁荒蕪叨李下以成蹊况麻中  
而挺質邴原齟齬自驚抱膝之師劉兆羅胸先恐呼門之  
卒諸君景仰既殷麥犀而上御隨風之咳唾可簪筆以書  
紳聞喻日之提撕豈扣槃而捫燭縈思博我抗念知吾從  
郭泰以臨河不效鼠飲擬瓠巴之鼓瑟當効魚聽奈時乎  
不再歲已無多馬擅追風尙懷贈策蛩名促織應報成章  
言敢飾以虛車用亦資夫敗鼓共誰攜手陋褰裳曳履之  
聲惟我息肩成漱石餐霞之癖北山道遠南土天高五際  
飛文倘屬神明之契三冬讀史須徵邁往之功

一鳴集

卷四之下

七

家慈李氏六旬徵詩啟

歲丙午三月

燭日重輪藍天一笠恩猶望歲樂不知辰緣藻繪之文章  
卽蓬瀛而寢處露華炫轉嵐翠翹飛于時鳴鳩祝杖翁鶴  
儀年嘗母氏之辛勤與家聲之勃窣著簪冠若荻指釐然  
甯戚懸書陳搏隱几有時數典他日趨庭母氏知甯戚飯  
牛陳搏睡熟語  
年非象勺學在藩籬角馬童牛見太經權罔洽晨鳧夜鯉  
孝養兼疎微毛義之門閭計晏嬰之黨族敬家尙績崔母  
終負伏思鳳舉爰企鴻裁智燭信符見楊子仁巢賢杖見  
子以青箱素篆之光爲玉瀝金華之秘梁臺奉啟見梁范  
武知交承咳唾之餘波猶將被德錫鬯倫之重典敢不銘

心

李秋水

泉

七旬啟

海鹽人昌化教諭

雲幔天垂海壖日曙鳳書鶴籟鼉鼓鯤溟鵠橋李之地與

築嘉禾之城郭牙絃玉軫激浦煙波兼齒德而有人幸師

承之在即我翠篔二兄鄴架藏書江都註選枳籬可宅瑤

藥為糧墟谷藻之文心樹騷壇之敵手石渠啓閣金鑰披

函領宰相以十年品詩書之三味香名既飲壽世偏長姑

茂景從禹而翹秀

先生署龍游錢塘

江聲一枕月色當檐斬調鼎

以摩挲冀析薪而負荷王喬履烏郭泰仙舟向驥樞以長

鳴知龍眠之善繪竹筠幾樹花蓋曾懸岑參以友愛為生

一鳴集

卷四之下

八

顧况則謳吟自得吳舸欸乃魯殿依然壁水盤虬芹泥啄

燕傳鵝湖之道學聚虎觀之文章屈宋衙官莊騷奴僕染

人講席餘子駢田夏璉商湖秦碑漢碣緣典寶之難陳悉

研求而至當幾會問字於以儀年白髮垂絲朱餘近海藏

木公於左翼晤關尹之前身琳琅陳實之兒筐笥戴良之

女舟仍絳雪爵以流霞雉雉焚焚熊雅雅桑榆非晚似

及門獻曝之忱瓦缶徒鳴為先路扶輪之祝謹啟

壽趙果堂六旬啟

代應秀庭作

海嶽翔雲帷天馭日金華玉液燧改泉香蔚珂里之人文

念梓庭而壽考鷄鳴問視蛾術貽謀緘白璧以懷珍紀黃

鐘而應律爰居漾水迺祖香沙果堂祖香沙幸貴池有惠政於時荔挺

松喬椒蕃橘實篚承雪藕樽啟霞觴鳥填習郁之池弧設

樊深之第磬施石建友愛岑參憶鳳卜而蔡飛娶於蔡兆熊

占於韓樂棘闈臥鼓羣推指使之年槐井褰裳預卜成均

之日舍東有槐井况復琴鶴風清鼎彝簡重美人藻繪公子輪

轅分瑤牒於江南奠宗磐於趙北文章命世綽楔驚人家

有傳書恩仍食德吹竽後進挾纊前來申賀燕之忱志嘉

魚之貺魯壺莒鼎軒鏡庖刀靈樹八千取禾三百顧慙秉

鐸燈地瓊寒猶憶橫經縹緲隱前署杭郡學果堂伯子在吾門尋邁在

卽息踵何如知第祿之湛深方之獻曝苟

一鳴集 卷四之下 九

昌時而悠久藉以呼嵩巍山一名萬歲山

代唐昌黃明府下車觀風示

爲觀風考課事照得昌邑郡轄會稽疆分垂拱鐫漢唐之

地理鞏吳越之邊陲山氣蒸雲水聲戛玉淪泉蘇軾之林

晞髮謝翺之簡天梳日帽月斧雷雕以積久之菁華得先

聲而樹立泥金蔡說臚傳慶厯之間蕊榜章榘策奏開禧

之始忠勲有趙昂發孝行如梅來兒繼起實繁斯文遂振

本縣一行作吏甫及下車家訓傳經訟庭戒石計讀書而

銳志藐迎吸以澄懷坊載登龍政慙渡虎涼秋吉日課士

培風諸生枕葍三餘沾濡一嚮陋齊梁之絺繪儕屈宋於

衙官杜樊川惟淳樸爲眞家魯直謂好奇乃病與瞻學養  
擬前輩之齒牙獲益文章見盛時之壇宇螺丸兔穎豹霧  
鯤池屬望甚殷扶搖在卽特示

沁香樓賸稿序

女史李凝爲 詰贈奉直大夫李公  
成蹊女字於吾從弟應坦年十九未

嫁而卒幼嗜吟詠遺此  
稿詩有采入邑乘者

鳳閣春雲蟾輪夜月采珠仙女修竹美人傳李治以能詩  
向嵩山而未嫁芙蓉養紙篤耨薰鑪寫韻有亭殘更一榻  
吟柳絮以蹁躑賦桃夭而苑結簾鉤銀蒜粉黛墨丸搗藻  
爲文善心曰竊思親欲暮病骨誰依憐席壽以三年歎帷  
燈於五夜沈絛弗起蟬將蛻而徒鳴刺繡猶存燕已飛而  
一鳴集

卷四之下

十

自蟄霞朝月夕訪平泉藉草之蹤雨晦風瀟知夢管生花  
之殿聊以贈言因之爲序

州司馬錢青垣七旬序

雲漢爲章斗牛幾度天垂海立霧捲山高知養氣之有人  
錫耆齡而難老霞華一色塊軋無垠松鱗宿雨蕙晼薰風  
獵碣陳倉春鬢頻壁螭坳鳳鏤虎觀鴻都惟

盛時爲養老臨雍俾黨正以居鄉尚齒我青垣年老先生  
循禹甸以分支衍箕疇而昇福漢唐氏族吳越封疆碑碣  
表忠鼎彙垂典錢江旣渡鐵券猶存根孝友以傳薪肄詩  
書而式穀馬蹄走坂鳧渚輕舟稽宋何年有屢再從仍顧



歡而好學得秦系之偏師天姥夢游石城毗輔飽餘糧而  
企踵駢射的以垂囊資富永年宅心知訓樊宏樹漆薛願  
流虹繩祖殷然薦馨儼若羊劓豕鼎鳳占犧尊垂祀典而  
率繩備休徵而翔洽綸音視學禮殿披圖月斧追研雲楣  
樸斲駁奔執事齋沐明虔雉堞版勞鯨波橋起其餘卓錫  
弁及高禩攄白水以爲泉埒黃金而一芥于時穀旦乃侑  
瓊卮稟山氣以扶輪藏木公于左翼庭幃賀燕七著侯鯖  
聯謝尙之知交聽瑪謹而甫義載虞象服偕老魚軒暖暖  
姝姝丕丕簡簡郎仍司馬夢已占熊緣愷澤之涵濡蓋軒  
蓂而鼓舞浹三年之講貫曾樹相思籌六月而搏扶誰從  
一鳴集

卷四之下

十一

一息某燕趙羈栖惠莊締好每經勾乘屢憇臨安卜璞終  
畱齊竽竊吹憑骨肋而筋強訂胸期而臂使香山履道絳  
縣疑年恙無事于攜筇藉有爲而製錦掄材杞梓紉佩蘭  
荃藻鑑瀕流冰紉卻暑鐘鏞在虞疇爭瓦缶之鳴玳瑁爲  
筵竊擬瑤池之祝

唐昌凌擷蒼壽序

雁鷺搏天鯁鯨擊水山城睥睨石瀨瓏璫紀流火以尋箋  
乘兌金而執矩併矇日晷砥柱秋高知年籥之遞更積壽  
糜而爲算天倫樂事善氣迎人培杞梓以成材肇權輿之  
定軌我擷蒼凌年兄者橋門論秀斧藻爲文學在修齊根

於孝友春翼夏閣夜鯉晨鳧銘六館以逍遙

唐高士素六館逍遙有銘

詞見宋樓鑰詩集余將以逍遙六館署凌氏之軒

枕雙溪而祓濯

昌志載雙溪在縣南一百步

吹壘旣翕鼓篴爲歡石建名譽岑參友愛駢羅食指綵綵衣聲斷一囑以封侯前身燕領聰

盛時而被德尺宅犀顛乃襄猗頓之籌曾讀桓寬之筴習

池載睿秦岳能歌歷荆楚之歲時齊惠莊以爾汝汜穉春

撫恤偏殷張仲蔚交游在卽壯心勃發家督扶將鞭馭阜

以長鳴剔劍燈而起燄以兒爲友諸弟克恭式穀在庭垂

暑幾葉於時露華欲綴風緒初涼禾穎熟以爲年藉花香

而不滓環洲島嶼木葉亭臬羌無藉於攜筇獨有時而曳

一鳴集

卷四之下

七

履據郊說之腸胃願與偕行式張湛之里閭知其必步嘉

賓賀燕締席侯鯖澆書自煖之牀藝圃相思之樹蒹葭瑟

瑟絡繹蕭蕭抽心爾以如絲斲耳門之一麥蠟珠剪燭香

篆然爐月鏡曾圓職輪已曙知音晤對爲蘭芷之餘馨忝

構詞華許玃糠之先簞雕今潤古撫實排虛定以規模觀

日帽天梳之象形諸點竄擬山觀海口之經是爲叙

壽明經吳夢埜國鴻六旬啟

雜堞圍天鯤溟擊水思吳在曩獻紵從今飲瑩沼之香名

扶義輪而紀晷年知指使義譜循陔欲問球圖之序屬自

南岑非綠杵白之交吾將北面於時葦露珠搏梅煙玉照

觴浮習郁市近齊嬰來一時之雋秀彙千古之文章學有淵源家偏瘦落贈言尺牘餘韻離騷觸經笥之牙籤籌墨莊而草宅惟人渲染紛紜魏照之絲有僕醉眠緩急陽城之米名山鬚白夜雨蘊青殘夢依依壯心耿耿江涵棘寺徒薦剡之相仍屢聘未售月映桐簷尙羈留於已暮斟鸞妻之斗酒勒驥子以籊金壽世百年敷榮三葉寒暄弗及富貴何其用懷郢雪之吟須厲彤雲之志景先生而鵠起憐下走之鯨居宿齒明經

昌時晉秩不禁次道之來慨然分潤應詔延陵之契爲有

知音

一鳴集

卷四之下

三

徐軼軒八旬壽叙

海嶼天圖義輪日暖於狽北地稽懸象於元冥有鶴垂肩得養生之白髮膠庠敬典燕饗兼修惟人壽之可徵式大年而載頌我軼軒年兄者簪筆研文菲經殖學春巽談藻夜榻篝燈根孝友而懽愉悟文章以砥礪鳧舟練白鹿瞳山青揮斝帚之千金盼喬松於一粒晏嬰近市劉繪居家緣沐德於盛時信榮名以爲寶

禹糧委積

堯韭敷英盤根壽木之華紀歲靈椿之樹館逍遙而白醉栖名爽之黃盞桓榮之齒旣尊賈誼以更爲叟坊仍履道

未參處士之名系亦皋陶乃見神仙之侶

世系表徐氏京陶後

城東

義塾視北人師免穎螺丸螢窗賦術贖魯論之爲薪繹毛

詩以舞勺揚雄以訓纂爲篇李瀚則蒙求有句彙詩書之

三味付物我於八還絳雪幾枝清冰可鑑幡然者長示以

規撫蓋先王從未有遺年俾黨正囚之而尙齒於時良月

乃晉報詞建丑惟商先秦始臘金盤火棗石架霜橙篤耨

薰香新豐美酒郇厨羅豹象之胎海錯薦鱗鮫之尾蘭膏

鳳蠟梓蔭鳩車鞭驢子以翔風餌鯨孫而擊水詩壇竹瘦

知勁節之不同藝圃芝生撫陳編而未已某謬雕楮葉與

讌梅花相與丹旋有時磬折晤言之暇然諾弗欺聞勾漏

一鳴集

卷四之下

古

之然丹憶張蒼之飲乳養和一凡扶老爲藤裁仁垂白傳  
之裘說士抵將軍之肉濫竿竊吹挾纊前來庇少陵之廣  
廈萬間較鄒忌之身修八尺臬比講席與知稽古之榮門  
巷蒲輪用記宿儒之壽謹叙

俞藍田姻翁雙壽

河漢秋懸海雲夜曙端倪軒豁沆瀣氣蒸錫桂莽之綿延

攀松鱗而磊砢犀顛燕頷虎脊鮐肌承闔澤之涵濡式庭

闈而孝養知娛親爲愛日之誠俾好德實衍疇之福我藍

田大親翁愿樸韜聲恬熙養志溯軒轅之俞附追刺史於

臨安鹿瞳舜芝鷗沙狎練享年華而息踵遵月且於平輿

物自由庚書仍祭癸張星種而昂收斗柄旋而箕翁雀環  
微睇魚藻善遊培杞梓以蒸蒸近桑榆而暖暖吹箎既和  
鼓瑟偕驪鞭梘貌而蠟言駐薜堦之筇杖青鞵數武白髮  
如絲銘六館以逍遙味三池而導引木公左翼雲母如餐  
辨魯鼓以投壺聽秦箏而擊箸萼絲雉尾稻粒麈牙棗剝  
栗零菰香梨熟判黃羊而祀竈綉紫鳳而牽衣於時雁鶩  
初搏鯢鯨欲掣莊周野馬薛願垂虹養耆老而被恩纏壽  
星以甄度典爨能叙天道益謙家督扶輪課孫總角湘羹  
蕪酒絳蠟籠紗吟絡緯以心抽鄰於織錦得膏腴而學飽  
峙乃春糧某夏夏自憐垂垂將耆當良夜而月明憶舊交

一鳴集

卷四之下

五

之雲散焉蘿謬附糠粃前陳疇后履道之坊載濬丹沙之  
井劉樊伉儷葛鮑神仙壤菑履之懋修信康疆而逢吉因  
弁以辭遂郵爲序

明經周經田七旬壽序

粵宛爲天義輪出日帡幪覆幬沆瀣氤氳完賦稟之英華  
葆彤骸而潤澤名山韞玉湛露溥珠知聖功爲蒙養之初  
補孺行得淑身之要廩居豹變鳳起緹搏緣畀福以正人  
紀遐齡於悼史我明經姻學兄先生角卯超羣規橫預定  
文章載道卓犖觀書從婺港以尋源湖淮巖而置棗州閭  
散處宅里更遷根孝友之先聲隸膠庠而後起每尋杖履

仍叶填篋鞭驥子以長驅餌鯨孫之率教餘霞成綺夜月  
一鈎稽汝南爲郡曩昔名州

漢初元五年封周子南君承  
休侯括地志在汝南梁縣東

六十憶臣胡有妻詔憐割肉橐泉夢寐蓬島神仙瓊壽栖

栖蕙心脈脈帷房舍瑟低徊虞愿之床釜竈鎔丹習近葛  
洪之井鑿將壇三北干櫓猶存貯詩卷二南簡編可譜岐  
陽獵碣頻壁洪鐘堯醴沾濡禹糧委積叨寓縣之恩膏向  
成均而鼓舞延篤以束脩爲敬伏虔之筋力益強驚秦系  
之偏師訪戴逵而乘興著書當染編來魏照之絲衡鑑不  
消可取柯亭之笛

初館刺西錢進士世瑞  
呂孝廉變煌皆出其門

曾懷獻紆尙切

思尊

館味竹  
軒有年

羌無事於囊弓或有因而擊鉢策向禽而嶽

一鳴集

卷四之下

夫

立條吳會之江分羅浮之蝶如輪紀消之雞已木杯銘自  
煖瓦篆長生賢可杖而鳩扶意爲車而馬逸邴曼容養志  
問及加餐王延壽靈光疇爲點墨是月也應鐘叶律太極  
披圖白藕如船紅萸幾粒玳筵參錯裘佩鏘鳴玉鼓金鹽  
山膚水參惠莊并聚張范知交坎坎增增丕丕簡簡珊瑚  
一架不妨刻楮之徒勞翡翠爲罍竊幸歸田之有錄謹叙

明經厲韞山七秩序

雲物暄和日華訣蕩黃鐘定律赤縣披圖占義畫之初陽  
衍禹疇而錫福角亢在卯崧嶽降申知賦畀之不凡任優  
游而垂老當

盛時以禮重高年俾倬史遂書爲

治典我明經厲韞山先生鶴胎撫字駒齒調良廣哲豐頤

婉容粹面稽有唐貞觀築宅養恬迄炎宋寶謨仍封侯爵

權輿肇始鼎彝相傳曠義滂仁紹庭詒穀

先祖雲波公有隱德

統桓

世德鳳颯先聲智可燭而信符言以規而行矩修之則吉

好子而家銘枕六安定善三品鐫諸版而修文敞一棚以

角試虹梁坦易鮒轍霑清與分裘楷之租旋譜寶萃之酒

將鳴臘鼓向割腴田嗟靈蛻之無依恤敝帷而弗棄鄭莊

設館焦遂扁舟自訂知交誰與問訊騷經以紉佩爲蘭埤

雅則游鱗在藻丹鎔至久瓦篆長生營臥遊而作繪亦曩

一鳴集

卷四之下

七

飲而澆書嘉稱曰陳馭輪有媯山膚水豢玉豉金鹽按王

肅之食單滕胸有法過蔡經之仙侶被服能合於時暢月

乃紀良辰瑤島流霞瓊筵絳蠟熊蹲令子雜誦諸孫搜虎

觀之文章吸鯨波而洒濯丕丕簡簡暖暖姝姝膺弗祿以

康彊敘夔倫之孝友管絃鼓吹裘珮鏗鏘壽寓洪鈞榮名

錫類寫天以笠方地爲輿爰竭菲忱用廣弧旦謹序

輿節孝李趙母七旬壽叙

中表李霽園配

玉露秋溥銀河夜皎凝爲沆瀣疇以哢幪膺芾履之駢田

紀朝華而設幌紫薇自茁丹桂餘香垂珠箔以爲樊映月

篔而拭鏡薦蘿締好筐篚來歸我李母趙太君浚儀右族

炎崇分支仙石瓊瓏漢破破濯聽媒灼之盟言奉舅姑而  
養志美心爲窈嘉耦曰妃抽心繭以同功賦夢梭而一擲  
鈎邊續衽依然組織之勤芎脯湘羹宛得詩書之味封侯  
鄴架別墅平泉會霑裴惜之租克譜寶萃之酒稽諸司命  
課以衛生黃鵠一飛白駒誰繫念宿因而瑟處嗟借老以  
蚤吟蘭蕊爰居竹筠節守賦洛神之曹植自詡文章遇王  
母于蔡經殊難藻飾于時良月乃晉椒辭辰在角亢壽于  
箕翼養和授几扶老需藤頓駒齒而雲蟻餌鳳雛以竹實  
菱菰近市篠簞編籬分玉井之危厨佐銅槃以七箸女貞  
可樹婆律爲香周官雁叙母詒章選之書漢志鱗排兒讀  
一鳴集

卷四之下

六

范滂之傳魚軒在節燕縷猶存以淑慎而躬修爲夔倫之  
指示歎家尙績珪母能賢錄謬以世姻嘗從過訪闔門一  
覲踰閭無言歌三闋以吹笙報七襄而製錦仰雯華之婺  
宿瞻貝闕之珠光扑舞昌時涵濡

壽寓月竈星源雲輶日轂緬聲詩教化端在宮闈俟獎勸

恩膏

玉黃詩

卷四之下

旌諸綽楔盛筵起履完登連城憶伏湛語妻未甘獨飽湖  
班昭名媛能紹先聲白髮如絲青燈有醖鴻箏鷺鼓羌無  
事於謳吟蟻粒羊溝獨有心於軫恤用斬綽綽旋謹嬰執  
儲瑤藥之餘糧構梓材而築堵丕丕簡簡暖暖姝姝知結



繪之端凝著巾箱而被服李超墨漬毛穎毫顯藉糠粃而  
前陳搜齒牙之後慧如顏芝盡孝會修定省之文在束皙  
知詩可補華陔之祝聊以贈言因之爲序

一鳴集

卷四之下

李毓棠贊鐫

九



賦詩可補華陔之祝聊以贈言因之爲序

前陳搜齒牙之後慧如顏芝盡孝會修定省之文在束皙

知詩可補華陔之祝聊以贈言因之爲序

